




冊府元龜

卷之八百十
至八十三



13
849
286



門
849
卷
286



冊府元龜

淮南李嗣京叅閱

西極文翔鳳訂正

豫章黃國琦較釋

總錄部 一百三十

獨行

孔子之所謂狷者有所不為蓋夫趨向殊性能否異
執雖不得夫中庸是亦好名獨任者也眇觀古昔先
民繼軌其或憤大道之訛變慨季運之奸擾因忘舊
而積怨顧不義而深恥責知己以激世念必報以勵

俗堅持一介之行力慕古人之操乃有棄絕粒食坦
 視鋒刃馮河蹈火忍苦稱疾或高蹈長往或塊處待
 盡不交朋類自勤給養至有簡父兄之禮斷妻子之
 戀敦迫無屈力行靡悔取其嫉惡之可尚而不至於
 亂倫也易曰君子以果行傳曰匹夫不可奪志其斯
 人之徒歟

周伯夷叔齊孤竹君之二子聞西伯昌善養老盍往
 歸焉及至西伯卒武王載木主號為文王來伐紂伯
 夷叔齊叩馬而諫曰父死不葬爰及于戈可謂孝乎
 以臣弑君可謂仁乎左右欲兵之太公曰此義人也

扶而去之武王已平殷亂天下宗周而伯夷叔齊脫

之義不食周粟隱於首陽山

首陽山在河東蒲坂
華山之陽河曲之中采

薇而食之及餓且死作歌其辭曰登彼西山兮采其

薇矣以暴易暴兮不知其非矣神農虞夏忽焉沒兮

我安適歸矣于嗟徂兮命之衰矣遂餓死於首陽山

孔子賢二人以為不降其志不辱其身也

熊宐僚楚人也楚白公勝將亂勝謂石乞曰王與二

卿士

二卿士子
西子期

皆五百人當之則可矣乞曰不可得

也五百人曰市南有熊宐僚者若得之可以當五百

人矣乃從白公而見之與之言說告而故辭

告欲作
亂宐僚

辭拒承之以劔不動拔劔其喉勝曰不為利諂不為威

惕不洩人言以求媚者去之
鮑焦衣弊膚見挈畚將蔬遇子貢於道子貢曰吾子
何以至此也鮑焦曰天下之遺德教者衆矣吾何以
不至於此也吾聞之世不知而行之不已者是爽
行也上不已知而干之不止者是毀廉也行爽廉毀
然且不舍惑於利者也子貢曰吾聞之非其世者不
生其利汗其君者不履其土今吾子汗其君而履其
土非其世而將其蔬此誰之有哉鮑焦曰嗚呼吾聞
賢者重進而輕退廉者易醜而輕死乃棄其蔬而立

槁死於雒水之上君子聞之曰廉夫剛哉夫山銳則
不高水狹則不深行特者其德不厚志與天地疑者
其為人不祥鮑子可謂不祥矣其節度淺深適至而
止矣
介子推晉人也文公反國酌士大夫酒召舅犯而將
之召艾陵而相之授田百萬介子推無爵齒而就位
觴三行介子推奉觴而起曰有龍矯矯將失其所有
蛇從之周流天下龍既入深淵得其安所蛇脂盡乾
獨不得其兩此何謂也文公曰嘻是寡人之過也吾
與子爵待旦之朝也吾與子田在河之間介子推曰

推聞君子之道謁而得位道士不居也爭而得財廉者不受也文公曰使我得反國者子也吾將以成子之名介子推曰推得聞君子之道為人子而不能承其父者則不敢當其後為人臣而不見察其君者則不敢立其朝然推亦無索於天下矣遂去而之介山之上文公使人求之不得為之避寢三月號呼其年文公待之不肯出求之不能得以為焚其山室出及焚其山遂不出而焚死

黔敖

一作禽

齊人為食於路以待饑者而食之有餓者

一云餓人况苟

蒙袂輯履貿貿然來

蒙袂不欲見人也輯斂也斂履力憊不能履也

貿貿日不明之貌

黔敖左奉食右執飲曰嗟來食揚其目而

視之曰予唯不食嗟來之食以至於斯也

嗟來食雖闕而呼之

非敬辭

從而謝焉終不食而死

從猶就也

曾子聞之曰微與

其嗟也可去其謝也可食

微猶無也無與止其狂狷之辭

申徒狄非其世將自投於河崔嘉聞而止之曰吾聞仁智士生於天地之間民之父母也今為濡足之故不救溺人可乎申徒狄曰不然昔者桀殺關龍逢紂殺王子比干而亡天下吳殺子胥陳殺洩治而滅其國故亡國殘家非無聖智也不用故也遂負石沈於河君子聞之曰廉矣乎如仁與智吾未見也

枉厲叔事莒敖公自以為不知而去居於海上夏日
 則食菱芡冬日則食橡栗莒敖公有難枉厲叔辭其
 友而往之其友曰子自以為不知故去今又往死之
 是知與不知無異別也枉厲叔曰不然自以為不知
 故去今死而不去是果知我也吾將死之以醜後世
 人主之不知其臣者也所以激君人者之行而厲人
 臣之節也

陳仲子居於陵三日不食耳無聞目無見井上有李

糟食實者過半矣匍匐往將食之三咽然後耳有聞

目有見

仲子窮不苟求者是以絕糧而餒也糟蟲也李實蟲食之過半言仲子目不能擇也

仲

子齊之世家也兄戴蓋祿萬鍾以兄之祿為不義之

祿而不食也以兄之室為不義之室而不居也避兄

離母處於於陵

仲子齊之世卿大夫之家也兄名戴為任非君行非道以若富為故不處也窻之於陵

他日歸則有饋其兄生鵝

者已頰頰曰惡用是鵝鵝者為哉

歸省其母見受人鵝而非之已仲子

也頰頰不悅曰安用是鵝

他日其母殺是鵝也與之

食之其兄自外至曰是鵝鵝之肉也出而哇之

哇吐也

漢王吉居長安東家有犬棗樹垂吉庭中吉婦取棗

以啖吉

啖謂使食之

吉後知之乃去婦東家聞而欲伐其

樹鄰里共止之因固請吉令還婦里中為之語曰東

家有樹王陽婦去東家棗完去婦復還其厲志如此
後爲昌邑中尉
周燕宣帝時爲郡決曹掾太守欲枉殺人燕諫不聽
遂殺囚而黜燕囚家守闕稱寃詔遣覆考燕見太守
曰願謹定文書皆著燕名府君但言時病而已出謂
掾史曰諸君被問悉當以罪推燕如有一言及於府
君燕手劔相刃使乃收燕繫獄悉被掠楚辭無屈撓
當下蠶室乃歎曰我平王之後正公玄孫豈可以刀
鋸之餘下見先君遂不食而死
後漢譙玄王莽時隱遯後公孫述僭號於蜀連聘不

詣述乃遣使者備禮徵之若玄不肯起使賜以毒藥
太守自齎璽書至玄廬曰君高節已著朝廷垂意誠
不宐復辭自招凶禍玄仰天歎曰唐堯大聖許繇恥
仕周武至德伯夷守餓彼獨何人我亦何人保志全
高死亦奚恨遂受毒藥玄子瑛泣血叩頭於太守曰
方今國家東有嚴敵兵師四出國用軍資或不嘗充
足願奉家錢千萬以贖父死太守爲請述聽許之玄
遂隱藏田野終述之世
宋弘王莽末爲共王赤眉入長安遣徵弘逼迫不得
已行至渭橋自投於水家人救得出因佯死獲免

高獲字敬公少遊學京師與光武有素舊師事司徒歐陽歙歙下獄當斷獲冠鐵冠帶鐵鑕詣闕請歙帝雖不赦而引見之謂曰敬公朕欲用子爲吏宐改嘗性獲對曰臣受性於父母不可改之於陛下出便辭去

李業梓潼人公孫述僭號於蜀素聞其賢敬之欲以爲博士業因疾不起數年述羞不致之乃使大鴻臚尹融持毒酒奉詔命以劫業若起則受公侯之位不起賜之以藥融嘗二日曰方今天下分離孰知是非而以區區之身試於不測之淵乎朝廷貪慕名德曠

官缺位于今七年四時珍御不以忘君宐上奉知己下爲子孫身名俱全不亦優乎今數年不起猜疑寇心凶禍立加非計之得者也業乃歎曰危國不入亂國不居親於其身爲不善者義所不從君子見危授命何乃誘以高位重餌哉融見業辭志不屈復曰宐呼室家計之業曰丈夫斷之於心久矣何妻子之爲遂飲毒而死述聞業死大驚又恥有殺賢之名乃遣使弔祠賻絹百疋業子翬逃辭不受任承馮信皆託青盲以避公孫述之難承妻淫於前匿情無言見子入井忍而不救信侍婢亦對信姦通

及聞述誅皆盥洗更視曰世適平日即清淫者自殺
光武聞而徵之竝會病卒公孫述乃漆身為癩佯狂以避
費貽捷為人不肯仕公孫述乃漆身為癩佯狂以避
之退藏山藪十餘年

李充陳留人家貧兄弟六人同衣遞食妻竊謂充曰
今貧若如此難以久安妾有私財願思分異充偽酬
之曰如欲別居當醞酒具會請呼鄉里內外共議其
事婦從充置酒燕客充於坐中前跪白母曰此婦人
無狀而教充離間母兄罪合遣斥便呵叱其婦述令
出門婦銜涕而去坐中驚蕭因遂罷散

楊喬為尚書容儀偉麗數上言政事桓帝愛其才貌
詔妻以公主喬固辭不聽遂閉口不食七日而死

袁闕字夏甫彭之孫也少勵行苦身修節父賀為

彭城相闕往省謁變姓名徒行無旅既至府門連日

吏不為通會阿母出見闕驚一云乳母從內出見在

泣閱厚丁寧言此間入白夫人乃密呼見既而辭去
不知吾慎勿宣露也

賀遣車送之闕稱眩疾不肯乘反郡界無知者閱見

時方險亂而家門富盛嘗對兄弟歎曰吾先公福祚

後世不能以德守之而競為驕奢與亂世爭權此即

晉之三郤矣延熹末黨事將作遂散髮絕世欲投迹

丹元 獨行
深林以母老不宐遠遁乃築土室四周於庭不爲戶
自牖納飲食而已且於室中東向拜母母思闕時往
就視母去便自掩閉兄弟妻子莫得見也潛身十八
年黃巾賊起攻沒郡縣百姓驚散闕誦經不移賊相
約語不入其閭鄉人就闕避難皆得全免年五十七
卒於土室

孔嵩字仲山南陽人與山陽范式爲友式爲荊州刺
史嵩家貧親老乃變名姓傭爲新野縣河里街卒式
行部到新野而縣選嵩爲導騎迎式式見而識之呼
嵩把臂謂曰子非孔仲山邪對之歎息語及平生曰

昔與子俱曳長裾遊進帝學吾蒙國恩致位牧伯而
子懷道隱身處於卒伍不亦惜乎嵩曰侯嬴長守於
賤業晨門肆志於抱關子欲居九夷不患其陋貧者
士之宐豈爲鄙哉式勅縣代嵩嵩以爲先傭未竟不
肯去

劉翊逢知故困餒於路不忍委去因殺所駕中馬以
救其乏衆人止之翊曰視沒不救非志士也遂俱餓
死

戴就會稽上虞人仕郡倉曹掾楊州刺史歐陽參奏
太守成公浮賦罪遣部從事薛安業倉庫簿領收就

於錢塘縣獄幽囚考掠五毒參至就慷慨直辭色不變容又燒鐵斧使就挾於用腋就語獄卒可熟燒斧勿令冷每上彭彭即旁也音同考因止飯食不肯下肉焦毀墮地者掇而食之王者窮竭酷慘無復餘方乃臥就覆船下以馬通薰之一夜二日皆謂已死發船視之就方張眼大罵曰何不益火而使滅絕又復燒地以大鍼刺指爪中使以爬土爪悉墮落王者以狀自安安呼見就謂曰太守罪穢狼籍受命考寔君何故以骨節拒打也就據地答言太守剖符大臣當以死報國卿雖衛命固宜申斷寃毒奈何誣在忠良強相掠

理令臣謗其君子證其父薛安庸駭忸行無義就考死之日當白之於天與羣鬼殺汝於亭中如蒙生全當手刃相裂安深奇其壯節即解械更與美談表其言辭解釋郡事徵浮還京師免歸鄉里

周爨汝南安城人不讀非聖之書不脩賀問之好有先人草廬結于南岡畔下有陂田嘗肆勤以自給非身所耕漁則不食也鄉黨宗族希得見者舉孝廉賢良方正特徵皆以疾辭

皇甫規字威明為度遼將軍規為人多意筭自以連在大位欲退身避第數上病不見聽會友人上郡太

守王旻喪還規縞素越界到下亭迎之因令客密告
荊州刺史胡芳言規擅遠軍營公違禁憲當急舉
芳曰威明欲避第言欲歸第避仕官之塗也仕塗故激發我爾吾
當爲朝廷愛才何能申此子計邪遂無所問及黨事
大起天下名賢多見染逮規雖爲名將素譽不高自
以西州豪傑恥不得預乃先自上言臣前薦故大司
農張奐是附黨也又臣昔論輸左較時太學生張鳳
等上書訟臣是爲黨人所附也臣宜坐之朝廷知而
不問時人以規爲賢

楊后字仲桓廣漢人潛身藪澤耦耕誦經司徒楊震

表薦其高操公車特徵不就益州刺史焦參行部致
謁后惡其苛暴時耕於大澤卽委鉏疾逝參恚之收
其妻子錄繫欲以致后遂不知后所在乃出其妻子
魏管寧北海朱虛人年十六喪父中表愍其孤貧咸
共賙贖悉辭不受文帝徵爲大中大夫明帝徵爲光
祿勳竝不起嘗坐一木榻積五十餘年未嘗箕股其
榻上當膝處皆穿

范粲爲太宰中郎齊王芳被廢遷於金墉城粲素服
拜送哀動左右時司馬師輔政召羣官會議粲又不
到朝廷以其時望優容之粲又稱疾闔門不出於是

特詔爲侍中持節使於雍州粲因狂不言寢所乘車
足不履地子孫嘗侍左右至有婚官大事輒密諮焉
合者則色無變不合則眠寢不安妻子以此知其旨
不言三十六載終於所寢之車

晉庾袞篤學好問事親以孝聞鄉黨薦之州郡交命
察孝廉舉秀才清白異行皆不降志世遂號之爲異
行元康末潁川太守召爲功曹袞服造役之衣杖錡
荷斧不俟駕而行口請受下夫之役太守飾車而迎
袞遂巡辭退請徒行入郡將命者遂逼扶升車納於
功曹舍既而袞自取已車而寢處焉形雖恭而神有
不可動之色太守知其不屈乃歎曰非嘗士也吾何
以降之厚爲之禮而遣焉

宋纖年八十篤學不倦前涼張祚遣使者張興備禮
徵爲太子友興逼喻甚切纖喟然歎曰德非莊生才
非干木何敢稽停明命遂隨興至姑臧祚遣其太子
太和以執友禮造之纖稱疾不見贈遺一皆不受尋
遷太子太傅頃之上疏曰臣受生方外心慕太古生
不喜存死不悲沒素有遺屬屬諸知識在山投山臨
水投水處澤露形在人親土聲聞書疏勿告我家今
當命終乞如素願遂不食而卒

華混觀陽伯表之世孫也表子侍中虞坐事免官削爵土以混嗣混當受封逃避斷髮陽狂病瘖不能語故得不拜世咸稱之

辛謚永嘉末爲散騎嘗侍慰撫關中及長安陷沒於劉聰拜大中大夫固辭不受又歷石勒李龍之世竝不應辟命雖處喪亂之中頽然高邁視榮利蔑如也及冉閔僭號復備禮徵爲太常謚遺閔書曰昔許繇辭堯以天下讓之全其清高之節伯夷去國子推逃賞皆顯史牒傳之以無窮此往而不反者也然賢人君子雖居廟堂之上無異於山林之中斯窮理盡性

之好豈有識之者邪是故不嬰於禍難者非爲避之但冥心至趣而與吉會爾謚聞物極則變冬夏是也致高則危累綦是也君王功以成矣而久處之非所以顧萬全遠危亡之禍也空因茲大捷歸身本朝必有許繇伯夷之廉享松喬之壽永爲世輔豈不美哉因不食而卒

宋劉凝之字志安小名長年南郡枝江人也父期公衡陽太守兄盛公高尚不仕凝之慕老萊嚴子陵爲人推家財與弟及兄子立屋於野外非其力不食州里重其有德仁

南齊褚伯玉字元璩吳郡錢塘人也少有隱操寡嗜
欲年十八父爲婚婦入前門伯玉從後門出遂往剡
居瀑布山性耐寒暑時人比之王仲都在山三十餘
年隔絕人物

梁何點父鑠坐法死點感家禍欲絕婚宦祖尚之強
爲娶琅邪王氏禮畢時親迎點累涕泣求執本志遂
得罷點既老又娶魯國孔嗣女嗣亦隱者也點雖婚
亦不與妻相見築別室以處之人莫論其意也
劉訐早孤長兄縈爲之娶妻尅日爲婚訐聞而逃匿
事息乃還

阮孝緒年十三遍通五經十五冠而見其父彥之誠
曰三加彌尊人倫之始宜思自勗以庇爾躬答曰願
迹松子於瀛海追許繇於窮谷庶保促生以免塵累
自是屏居一室非定省未嘗出戶家人莫見其面親
友因呼爲居士

後魏濟陰王鬱長子弼以故嬭應襲先爵爲季父尙
書僕射薨因于氏親寵遂奪弼王爵橫授同母兄子
誕於是彌絕棄人事託疾還私第宣武徵爲侍中弼
上表固辭入嵩山以穴爲室布衣蔬食至卒

隋元褒十歲而性友悌善事諸兄諸兄議欲別居褒

泣諫不得家素富多金寶襃無所受脫身而出為州里所稱

唐李源愷之子愷既為羯胡所害源方八歲為郡賊所虜流浪南北展轉人家凡六七年逮維陽平父之故吏有憶認者以金帛贖之歸於近親代宗聞之授河南府參軍源遂絕酒肉不婚娶不役僮使嘗依維陽城北之惠林寺即愷之別墅寓於一室次僧而食人亦未嘗見其欲習至於齊榮辱混是非熙熙而無不合蓋自有得也先命宥其野以備終制時眠其間穆宗長慶二年七月御史中丞李德裕表薦之乃徵

諫議大夫不起

淮南李嗣京奏則

西極文翔鳳訂正

豫章黃四功較釋

總錄部

交友第一

交友之道其來尚矣自天子至於庶人未有不須友以成者也故傳有三益之訓易有斷金之象營道則術表張於切磋久要不忘情見於生死又豈止達方

册府元龜

總錄部

冊府元龜

淮南李嗣京蔡閱

西極文翔鳳訂正

豫章黃國琦較釋

總錄部

一百五十一

交友第一

交友之道其來尚矣自天子至於庶人未有不須友以成者也故傳有三益之訓易著斷金之象營道回術義表於切磋久要不忘情見於生死又豈止遠方之為樂淡水之相成哉中古而下蓋有同德比義神

冊府元龜

總錄部

卷之八百八十一

交心炤或傾蓋以投分或刎頸而爲歡靡思志操之
異遂忘年齒之隔結髮以供仕納祿以偕往敦風雨
之信忘蓬蓽之賤通家而益厚弈世而逾親以至撫
字孤孀拯濟危阨殺身以自誓抱節而不變斯皆古
之不諂不瀆相生相死之士歟

管仲字夷吾潁上人也少時嘗與鮑叔牙游鮑叔知
其賢管仲貧困嘗欺鮑叔終善遇之不以爲言已而
鮑叔事齊公子小白管仲事公子糾及小白立爲桓
公子糾死管仲因焉鮑叔遂進管仲管仲既用任政
於齊齊桓公以霸九合諸侯一匡天下管仲之謀也

管仲曰吾始困時嘗與鮑叔賈分財利多自與鮑叔
不以我爲貪知我貧也吾嘗爲鮑叔謀事而更窮困
鮑叔不以我爲愚知時有利不利也吾嘗三仕三見
逐於君鮑叔不以我爲不肖知我不遭時也吾嘗三
戰三走鮑叔不以我爲怯知我有老母也公子糾敗
召忽死之吾幽囚受辱鮑叔不以我爲無恥知我不
羞小節而恥功名不顯於天下也生我者父母知我
者鮑子也鮑叔旣進管仲以身下之子孫世祿於齊
有封邑者十餘世嘗爲名大夫天下不多管仲之賢
而多鮑叔能知人也

韓氏外傳鮑叔有疾管仲爲之不食不內水漿甯戚患之曰鮑

叔有疾而為之不內水漿無益於鮑叔又將自傷且
鮑叔非君臣之恩父子之親為之不內水漿不亦失
宜乎管子曰非子之所知也昔者吾嘗與鮑叔負販
於南陽而見辱於市中鮑子不以我為不勇者知吾
欲有名於天下吾與鮑子說諸侯三見而三不中不
以我為不肖者知吾不遇賢主人吾與鮑子分財而
多自與不以我為貪者知吾貧無有也生我若父母
知我者鮑子士為知己者死馬為知御者良鮑子幸
天下莫我知安用永漿誠有
知者雖為之死亦何可傷乎

晏嬰齊大夫孔子稱晏平仲善與人交久而敬之

季札吳公子也聘於鄭見子產如舊相識

伍參楚大夫與蔡太師子朝友其子伍舉與聲子相

善也聲子子朝之子伍舉伍舉娶於王子年王子年

為申公而亡獲罪楚人伍舉實送之伍舉奔鄭將遂

奔晉聲子將如晉遇之於鄭郊班荆相與食而言復

故班布也布荆半聲子曰子行也吾必復子

申包胥楚大夫伍員與申包胥友其亡也謂申包胥

曰我必復楚國復報申包胥曰勉之子能復之我必

能與之

孟獻子魯大夫有友五人樂正襄牧仲五人者皆賢

獻子以其富貴下此五人五人屈禮而就之也

曾子以子張死有母之喪齊衰而往哭之或曰齊衰

不以弔以其無曾子曰我弔也與哉於朋友哀痛甚

弔服非之

羊角哀左伯桃二人為死友欲仕於楚道阻遇雨雪
 不得行饑寒自度不俱生伯桃謂角哀曰俱死之後
 骸骨莫收內手捫心知不如子生恐無益而棄子之
 能我樂在樹中角哀聽之伯桃入樹中而死楚平王
 愛角哀之賢以上卿禮葬伯桃角哀夢伯桃曰蒙子
 之恩而獲厚葬正苦荆將軍冢相近今日十五日當
 大戰以決勝負角哀至期日陳兵馬詣其家作三柵
 人自殺下而從之此歿身不負然諾之信
 青荊豫讓之友也為趙襄子參乘襄子游於囿中至
 於梁馬却不肯進襄子曰進視梁下前類有人類青

荊進視梁下豫讓却寢佯為死人叱青荊曰去長者

且有事言將殺趙襄子青荊曰少而與子友子且為大事而

我言之失相與交友之道子將賊吾君而我不言失

為人臣之道如我者唯死為可適可得死也退而自殺

趙有處士毛公藏於博徒薛公藏於賣漿家魏公子

無忌從此與二人結交游

廉頗為趙將以藺相如為上卿羞不忍為之下宣言

曰我見必辱之藺相如望見廉頗引車避匿廉頗聞

之肉袒負荆至藺相如門謝罪曰鄙賤之人不知將

軍寬之至此也宰相與為歡為刎頸之交

張儀始嘗與蘇秦俱事鬼谷先生秦自以不及儀蘇秦已說趙王而得相約從親然恐秦之攻諸侯敗約後負念莫可使用於秦者乃使人微感張儀曰子始與蘇秦善今秦已當路子何不往游以求通子之願張儀於是之趙上謁求見蘇秦蘇秦乃誡門下人不為通又使不得去者數日已而見之坐之堂下賜僕妾之食因而數讓之曰以子之材能乃自令困辱至此吾寧不能言而富貴子子不足收也謝去之張儀之來也自以為故人求益反見辱怒念諸侯莫可事獨秦能苦趙乃遂入秦蘇秦已而告其舍人曰張儀

天下賢士吾殆弗知也今吾幸先用而能用秦柄者獨張儀可爾然貧無因以進吾恐其樂小利而不遂故召辱之以激其意子為我陰奉之乃言趙王發金幣車馬使人微隨張儀與同宿舍稍稍近就之奉以車馬金錢所欲用為取給而弗告張儀遂得以見秦惠王惠王以為客卿與謀伐諸侯蘇秦之舍人乃辭去張儀曰賴子得顯方且報德何故去也舍人曰臣非知君知君乃蘇君蘇君憂秦伐趙敗從約以為非君莫能得秦柄故感怒君使臣陰奉給君資盡蘇君之謀今君已用請歸報張儀曰嗟乎此吾在術中而

不悟吾不及蘇君明矣吾又新用安能謀趙乎為吾
謝蘇君蘇君之時儀何敢言且蘇君在儀寧渠能乎
宋玉楚大夫初因其友無姓而見於楚襄王襄王待
之無以異宋玉讓其友其友曰夫薑桂因地而生不
因地而辛婦人因媒而嫁不因媒而親子之事主未
爾何怨於我宋玉曰不然昔者齊有良狗曰東郭俊
蓋一旦而走五百里於是齊亦有良狗曰韓盧亦一
旦而走五百里使之遙見而指屬則雖韓盧不及衆
鬼之塵若躡跡而縱縲則雖東郭俊亦不能離今子
之屬臣也夫躡跡而縱縲與遙見而指屬與

漢陳餘年少父事張耳與為刎頸交刎斷也刎頸交蓋言託契浮重

雖斷頸絕頭無所顧也後封代王相趙

龔勝字君賓龔舍字君倩皆楚人相友並著名節故
時號之楚兩龔勝位至太中大夫歸老於鄉里舍拜
光祿大夫不起

張釋之為廷尉持法平允中尉條侯周亞夫與梁相
山都侯王恢咸結為親友繇此天下稱之

汲黯善灌夫鄭當時及宗正劉棄疾黯位至主爵都
尉

蕭育為人嚴猛尚威居官數免稀遷少與陳咸朱博

為友著聞當世往者有王陽貢禹故長安語曰蕭朱
結綬王京彈冠言其相薦達也始育與陳咸俱以公
卿子顯名咸最先進年十八為左曹二十餘為御史
中丞時朱博尚為杜陵亭長為咸育所攀援入王氏
後遂並歷刺史郡守相及為九卿而博先至將軍上
卿歷位多於咸育遂至丞相育與博後有隙不能終
故世以交為難矣

何武以射策甲科為郎與翟方進交志相友

王吉與貢禹為友世稱王陽在位貢公彈冠彈冠者言入仕也

也言其取舍同也古位諫議大夫

傅喜封高武侯與鄭玄同門學相友善同門謂同師也

陳遵少與張竦俱為京兆史竦博學通達以廉儉自

守而遵放縱不拘操行雖異然相親友哀帝之末俱

著名字為後進冠為後進人士之冠首也

後漢趙憙友善韓伯仲等數十人位太傅

杜林字伯山與馬援同鄉里素相親厚援從南方還

林馬適死援令子持馬一匹遺林曰朋友有車馬之

饋可具以備之林受之居數月林遣子奉書曰將軍

內施九族外有賓客望恩者多林父子兩人食列卿

祿嘗有盈今送錢五萬接受之謂子曰人當以此為

法是杜伯山所以勝我也林位司空

寇恂從光武破羣賊數與鄧禹謀議恂奇之因奉牛

酒共交歡恂位執金吾

臯弘為揚州從事家代為吳郡冠族少有英才與桓

榮相善

廉范與雒陽慶鴻為刎頸交時人稱曰前有管鮑後

有慶廉范位至蜀郡太守

孔僖曾祖父子建少遊長安與崔篆友善僖與篆逐

駟復相友善僖位臨津令

尹敏與班彪親善每相遇輒日肝忘食夜分不寢自

以為鍾期伯牙莊周惠施之相得也敏位長安令

梁鴻友人京兆高恢少好老子隱於華陰山中及鴻

東游思恢作詩曰鳥嚶嚶兮友之期念高子兮僕懷

思想念恢兮愛集茲二人遂不復相見恢亦高抗終

身不化

王符安定臨涇人少好學有志操與馬融竇章張衡

崔瑗等並友善

馬實字伯騫勤結英雄所欲友接負笈荷檐不遠萬

里山陽王暢未仕時慕高名往存之留暢門投刺

暢欲不肯見使從者拒之云行歷未旋寔留連日日

往伺之謂從者曰夫孝子事親行不踰日而至今不歸非孝子也欲待與相見如凶於路往而不返哭之以為死交暢聞其言歎息壯志因執其手揖行與入美談畢請入見母飲宴定好而見別

陳重少與同郡雷義為友俱學魯詩顏氏春秋太守

張雲舉重孝廉重以讓義前後十餘通記雲不聽義

明年舉孝廉重與俱在郎署後俱拜尚書郎義坐事

黜退重見義去亦以病免

又云雷義舉茂才讓於陳重刺史不聽義遂佯狂披

髮走不應命鄉里為之語曰膠漆自謂堅不如陳與雷也

范冉 冉或作丹 陳留外黃人少為郡小吏與王負親善負

後為考城令境接外黃屢遣書請冉冉不至及負遷

漢陽太守將行冉乃與弟協步齋麥酒於道側設壇

以待之冉見負車徒絡驛遂不自聞惟與弟共辯論

於路負識其聲即下車與相揖對負曰行路倉卒非

陳闕之所可共到前亭宿息以敘分隔冉曰子前在

考城思欲相從以賤質自絕豪友爾今子遠適千里

會面無期故輕行相候以展訣別如其相追將有慕

貴之譏矣便起告違拂衣而去負瞻望弗及冉長逝

不顧

范式一名汎字巨卿少游太學為諸生與汝南張劭

爲友劭字元伯二人並告歸鄉里式謂元伯曰後二年當還將過拜尊親見孺子焉乃共尅期日後期方至元伯具以白母請設饌以候之母曰二年之別千里結言爾何相信之審邪對曰巨卿信士必不乖違母曰若然當爲爾醞酒至其日巨卿果到升堂拜飲盡歡而別式仕爲郡功曹後元伯寢疾篤同郡郅君章殷子徵晨夜省視之元伯臨盡歎曰恨不見吾死友子徵曰吾與君章盡心於子是非死友復欲誰求

伯曰若二子者吾生友爾山陽范巨卿所謂死友尋而卒式忽夢元伯玄冕垂纓屣履而呼曰巨卿

吾以某日死當以某時葬永歸黃泉子未我忘豈能相及式恍然覺悟悲歎泣下具告太守請往奔喪太守雖心不信而重違其情許之式未及到而喪已發引旣至壙將窆而柩不肯進其母撫之曰元伯豈有望耶遂停柩移時乃見有素車白馬號哭而來其母望之曰是必范巨卿也巨卿旣至叩喪言曰行矣元伯死生路異永從此辭會葬者千人咸爲揮涕式因執紼而引柩於是乃前式遂留止冢次爲修墳樹然後乃去

崔瑗與扶風馬融南陽張衡特相友好瑗位濟北相

吳祐字季英陳留長垣人舉孝廉將行郡中為祖道
 祐越壇共小史雍丘黃真歡語移時與結友而別功
 曹以祐倨請黜之太守曰吳季英有知人之明卿自
 勿言真後亦舉孝廉除新蔡長世稱其清節時公沙
 穆來游太學無資糧必變服客傭為祐賃春祐與語
 大驚遂共定交於杵臼之間祐以光祿四行遷膠東
 侯相時濟北戴宏父為縣丞宏年十六從左丞舍祐
 每行園嘗聞諷誦之音奇而厚之亦與為友卒成儒
 宗知名東夏官至酒泉太守

卓署譚友人陳羣馮雍坐辜繫獄豫州牧黃琬欲殺

之或勸蟠不肯行曰黃子琬

琬之字也

為吾故邪未必致

罪如不用吾言雖往何益琬聞之遂免雍罪蟠累殺
 不起

荀淑博學有高行與李固李膺同志友善淑位朝陵
 侯相

張皓字叔明治律春秋游學京師與廣漢鐔深漢中
 李邵蜀郡張霸共結為友善皓位司空

宋楊女為章帝貴人被譖自殺楊免歸本郡郡縣因
 事復捕繫之楊友人前懷令山陽張峻左馮翊沛國
 劉均等奔走解釋得以免罪

逢萌北海都昌人與同郡徐房平原李子雲王君公相友善萌初爲亭長後連徵不起

岑暉南陽棘陽人有高才郭林宗朱公叔等皆爲友暉後州郡察舉三府交辟並不就

李膺性簡亢無所交接唯與同郡荀淑陳寔爲師友位長樂少府

李燮康方自守所交皆舍短取長好成人之美時潁川荀爽賈彪雖俱知名而不相能燮並交二子情無

適莫世稱其平正位河南尹

趙岐亡命賣餅北海市中孫嵩游市見岐遂以俱歸

嵩先入白母曰出行從乃得死友迎入上堂饗之極歡藏岐複壁中數年位太嘗

韓說舉孝廉與議郎蔡邕友善位江夏太守

王烈太原人以潁川陳太丘爲師二子爲友時潁川

荀慈明賈偉節李元禮韓元長皆就太丘學見烈罷

業過人歎服所履亦與相親錄是英名著於海內烈

舉孝廉三府辟並不就

郭泰字林宗游於雒陽始見河南尹李膺膺大奇之

遂相友善於是名震京師後歸鄉里衣冠諸儒送至

河上車數千兩林宗唯與李膺同舟而濟衆賓望之

以爲神僊焉泰徵有道不就

王允太原祁人也世仕州郡爲冠蓋同郡郭林宗嘗見允而奇之曰王生一日千里王佐才也遂與定交位司徒

陳羣字長文紀之子也魯國孔融才高倨傲年在紀羣之間先與紀友後與羣交更爲紀拜繇是顯名仕魏至司空

范康少受業太學與郭林宗親善位太山太守

何顯與陳蕃李膺善時爲宦者所陷乃改姓名亡匿汝南間所至皆親其豪傑有聲荆豫之域表紹慕之

私與往來結爲奔走之交後辟司空府

楊政嘗過馬武稱疾見政謝几據牀欲令政拜牀下入戶前排武徑上牀坐武恨言語不懌政因把武臂責之曰卿蒙恩稱藩臣不思求賢報國而驕天下莫後會信陽侯至責數武乃合爲朋友位左中郎將許鴻卿汝南人與同郡周伯靈交友伯靈早亡鴻卿養育其子

閔仲叔恬靜養神弗役於物與周黨相友黨每與仲叔共含菽飲水以博士徵不就應順字華仲汝南人少與同郡許敬善敬家貧親老

袁紹好游俠與張孟卓何伯求吳子卿許子遠伍德
瑜等皆為奔走之友紹位至冀州牧
禰衡平原人建安初游許下孔融深愛其才衡始弱
冠而融年四十遂與為交友

魏傅嘏字蘭石自少與冀州刺史裴徽散騎嘗侍荀
翹善徽翹早亡又與鎮北將軍何曾司空陳泰尚書
僕射荀顛後將軍鍾毓並善相與綜朝事俱為名臣
嘏位尚書僕射

鍾繇荀攸相與親善攸先亡子幼繇經紀其門戶欲

嫁其妾與人書曰吾與公達攸字曾共使未建平相

建平曰荀君雖少然當以後事付鍾君吾時啁之曰
唯當嫁卿阿驚耳何意此子竟早殞沒戲言遂驗乎
今欲要嫁阿驚得善處追思建平之妙雖唐舉許負
何以復加也繇位至太傅

王凌與司馬朗賈逵友善位太守

袁羆陳郡扶樂人渙從弟魏初為大司農與同郡何
夔並知名於時而羆子亮夔子曾與渙子侃復齊聲
友善

杜恕為散騎黃門侍郎時李豐為嘗侍黃門郎袁侃

見轉爲吏部郎荀侯出爲東郡太守二人皆恕之同
班友善

王朗弘通有性實與東平右姓王惠陽爲頽交惠陽
親拜朗母於其牀下朗旣仕至二千石而惠陽亦歷
長安令酒泉太守故時人謂惠陽外似麤疏而內堅
密能不顧朗之本末事朗母如已母爲通度也

華歆與北海郗原管寧俱游學三人相善時人號三
人爲一龍歆爲龍頭原爲龍腹寧爲龍尾歆位太尉
陳矯爲郡功曹使過泰山泰山太守東郡薛悌異之
結爲親友戲謂矯曰以郡吏而交二千石鄰國君屈

從陪臣游不亦可乎悌後爲魏郡及尚書令皆承代
矯

蜀許靖汝南人始兄事潁川陳紀與陳郡袁煥平原
華歆東海王朗等親善靖入蜀爲司徒歆朗及紀並
靖子羣魏初爲公輔大臣咸與靖書申陳舊好情義
款至

司馬徽字德操嘗造龐德公值其渡沔上祀先人墓
德操徑入其室呼德公妻子使速作黍徐元直向云
有客當來就我與龐公譚其妻子皆羅列拜於堂下
奔走供設須臾德公還直入相就不知何者是客也

德操年小德公十歲兄事之呼作龐公故世人遂謂龐公是德公名非也

諸葛孔明每至龐德公家獨拜牀下德公初不令上

向朗字巨達少師事司馬德操與徐元直韓德高龐士元皆親善位至丞相長史

張裔蜀郡成都人也少與健為楊恭友善位輔漢將軍

張飛字翼德少與關羽俱事先主羽年長數歲飛兄事之位車騎將軍

張嶷巴郡南充國人召為從事郡內士人龔祿繼帥位二千石當世有聲名皆與嶷友善

徐庶字元直先名福福與石韜字廣元相親愛初平中中州兵起乃與韜南客荊州到又與諸葛亮特相善及荊州內附孔明與劉備相隨去福韜俱來北至黃初中韜仕歷郡守典農較尉福至右中郎將御史中丞逮太和中諸葛亮出隴右聞元直廣元仕財如此難歎曰魏殊多士邪何彼二人不見用乎

楊戲性雖簡惰省畧未嘗以甘言加人然篤於故舊與巴西韓儼黎韜童幼相親厚後儼痼疾廢頓韜無行見指戲經紀振卹恩好如故位射聲較尉

吳張昭字子布與瑯琊趙昱東海王朗俱發名友善

位輔吳將軍

陸績字公紀時虞翻舊齒名盛龐統荊州令士年亦差長皆與績友善位偏將軍

魯肅臨淮人也家富於財周瑜為居巢長將數百人故過候肅并求資糧肅家有兩困米各三千斛肅乃指一困與周瑜瑜益知其奇也遂相親結定儔札之分肅後使荊州到當陽與劉備會時諸葛亮與相隨肅謂亮曰我子瑜友也即共定交肅卒諸葛亦為發哀位橫江將軍

呂蒙為偏將軍領潯陽令魯肅代周瑜當之夏口過

蒙屯下肅意尚輕蒙問肅曰與關羽為鄰將何計畧因為肅畫五策肅拊其背曰呂子明吾不知卿才畧所及乃至於此也遂拜蒙母結友而別
聶友字文梯豫章人為郡功曹使至都諸葛恪友之時論謂顧子嘿子真其間無所復容恪欲以友居其間錄是知名

顧邵為豫章太守初錢塘丁謩出於役伍陽羨張秉生於庶民烏程吳繁雲陽殷禮起乎微賤邵皆拔而友之秉遭大喪親為制服結經邵當之豫章發在近路值秉疾病時送者百數邵辭賓客曰張仲節

秉之字也

有疾苦不能求別恨不見之暫還與訣諸君少時相待

張溢爲中郎聘蜀與諸葛全結金蘭之好

嚴峻避亂江東與諸葛瑾步騭齊名友善性質直純厚其於人物忠告善道志存補益位尚書令

陳表少知名與諸葛恪顧譚張休等並侍東宮皆其親友尚書暨豔亦與表善位偏將軍

吳範爲人剛直頗好自稱然與親故交接有終始素與魏滕同邑相善滕嘗有罪太帝責怒甚嚴敢諫者死範謂滕曰與汝偕死滕曰死而無益何用死爲範

曰安能慮此坐觀汝邪乃髡頭自縛詣門下使鈴下以聞鈴下不敢曰必死不敢白範曰汝有子邪曰有曰使汝爲吳範死子以屬我鈴下曰諾乃排閤入言未卒帝大怒欲便投以戟逡巡走出範因突入叩頭流血言與涕並良久帝意釋乃免滕滕見範謝曰父母能生長我不能免我於死丈夫相知如汝足矣何用多爲位太史令

吳祺與張溫顧譚友善

孫皎爲征虜將軍善於交結與諸葛瑾至厚位征虜將軍

呂岱親近吳郡徐原慷慨有才志岱知其可成賜巾
構與共言論後遂薦授官至侍御史原性忠壯好直
言岱時有得失原輒諫諍又公論之人或以告岱岱
歎曰是我所以貴德淵者也及原死岱哭之甚哀曰
德淵呂岱之益友今不幸岱復於何聞過譚者美之
位大司馬

鄭曹有文學操行與陸雲善與雲時相徃反
高岱字孔文受性聰達輕財貴義其友士沒奇取於
未顯所友八人無名氏皆世之英偉也

冊府元龜

冊府元龜

淮南李嗣京叅閱

西極文翔鳳訂正

豫章黃國琦較釋

總錄部 一百三十二

交友第二

晉夏侯湛幼有盛才文章宏富善構新詞而美容觀
與潘岳友善每行止同輿接茵京都謂之連璧位散
騎嘗侍

嵇康恬靜寡欲寬簡有八童東平呂安服康高致每

一相思輒千里命駕康友而善之康所與神交者陳留阮籍河內山濤豫其流者河內向秀沛國劉伶籍兄子咸瑯邪王戎遂爲竹林之游世所謂竹林七賢也康位中散大夫

山濤字巨源與嵇康呂安善後遇阮籍便爲竹林之交著忘言之論康後坐事臨誅謂子紹曰巨源在汝不孤矣濤晚與尚書和道交又與鍾會裴秀並申欵昵後二人居勢爭權濤平心處中各得其所而俱無恨焉位司徒

阮籍素與王渾爲友渾子戎年十五隨渾在郎舍戎

少籍二十歲而籍與之交籍每適渾俄傾輒去過視

戎良久然後出謂渾曰濬冲

王戎字也

清賞非卿倫也共

卿言不如共阿戎談戎每與籍爲竹林之游戎嘗後至籍曰俗物已復來敗人意戎笑曰卿輩意亦復易敗耶籍位步兵校尉

羊曼任達頽縱好飲酒温嶠庾亮阮放桓彝同志友善並爲中興名士時州里稱陳留阮放爲宏伯高平郝鑿爲放伯太山胡毋輔之爲達伯濬陰卞壺爲裁伯陳留蔡謨爲朗伯阮孚爲誕伯高平劉綏爲秀伯而曼爲黯伯凡八伯蓋擬古之八雋曼位丹陽尹

王接字祖游平陽太守柳澹散騎侍郎裴遐尚書僕射鄧攸皆與接友善位尚書殿中郎

山簡為征南將軍鎮夏口華軼以江州作難或勸簡

計之簡曰與彥夏

華軼字

舊友為之惆悵簡豈利人之

機以為功伐乎其篤厚如此

戴若思有風儀性閑爽少好游俠不拘操行遇陸機

赴維船裝甚盛遂與其徒掠之若思登岸據胡牀指

麾同旅皆得其宜機察見知非嘗人在舫塋上逢謂

之曰卿才器如此乃復作奴邪若思感悟因流涕投

劍就之後與言深加賞異遂與定交焉位至驃騎將

軍

王敦謝鯤庾敳阮修皆為王衍所親善號為四友而

亦與王澄狎又有光逸胡母輔之等亦豫焉酣讌縱

誕窮歡極娛位大將軍

王尼字孝孫本兵家子寓居雒陽卓犖不羈初為護

軍府軍士胡母輔之與瑯琊王澄北地傅暢中山劉

輿潁川荀遠河東裴遐迭屬河南功曹甄述及雒陽

令曹攄請解之攄等以制旨所及不敢輔之等齎羊

酒詣護軍門門吏疏名呈護軍護軍歎曰諸名士持

羊酒來將有以也尼時以給府養馬輔之等入遂坐

馬廐下與尼炙羊飲酒醉飽而去竟不見護軍護軍大驚卽與尼長假因免爲兵東瀛公騰辟爲車騎舍人不就

劉琨少負志氣有縱橫之才善交勝已而頗浮誇與范陽祖逖爲友聞逖被用與親故書曰吾枕戈待旦志梟逆虜嘗恐祖生先吾着鞭其意氣相期如此琨爲并州牧

裴邵字道期元帝初爲安東將軍以邵爲長史王導爲司馬二人相與爲浮交友及道期卒王導爲司空既拜歎曰裴導期劉王喬在吾不得獨登此位

王龔清操過人嘗有宰相之望與王沈齊名友善紀瞻少與陸機兄弟親善及機被誅瞻卹其家屬至及嫁機女資送同於所生位驃騎將軍

王機字令明慕王澄爲人澄亦雅知之以爲已亞遂與友善機位交州刺史荀崧字景猷與王濟何邵爲拜親之友崧補濮陽王允文學又與王敦顧榮陸機等友善

虞驥字思行潭之兄子也雖機幹不及於潭然而素行過之與譙國桓彝俱爲吏部郎情好甚篤彝遣溫拜驥驥使子谷拜彝

荀羨弱冠與王洽齊名沛國劉惔太原王濛陳郡殷
 浩並與交好位兖州刺史吏部郎中浩為散吏訪薦侃為主簿相與結
 周訪為縣功曹陶侃為散吏訪薦侃為主簿相與結
 友
 許邁丹陽句容人也少恬靜不務仕進有高世之心
 王羲之每造之未嘗不彌日忘歸相與為世外之交
 習鑿齒為桓溫別駕善尺牘論議溫甚器遇之時清
 談文章之士韓伯伏滔等並相交善
 鄧粲長沙人少以高潔著名與南陽劉麟之南郡劉
 尚公同志友善並不應州郡辟命

王濛字仲祖與沛國劉惔齊名友善惔嘗稱濛性至
 通而自然有節濛每云劉君知我勝我自知時人以
 惔方荀奉倩濛比袁曜卿凡稱風流者舉濛惔為宗
 焉位司徒左長史
 桓溫與庾翼友善嘗相期以寧濟之事位大司馬
 謝安居東土與王羲之孫綽李充許詢道林皆文義
 冠世共相友昵位太傅
 陸機與弟雲造張華華素重其名如舊相識機為平
 原內史
 宋王弘隱于會稽與魯國孔淳之為莫逆交

何點與陳郡謝瀛吳國張融會稽孔稚珪為莫逆之
交

孔淳之隱居剡山嘗遇桑門法崇於三山披襟領契
自以為得意之交

劉敬宣字萬壽為散騎嘗侍寬厚待士多技藝弓馬
音律無事不善時尚書僕射謝混自負才地少所交
納與敬宣相遇便盡著歡或問混曰卿未嘗輕交與
人而傾蓋於萬壽何也混曰人之相知豈可以一途
限孔文學禮太史子義天下豈有非之者邪

謝述為彭城王長史尚書僕射殷景仁領軍將軍劉

湛並與述為異嘗之交述美風姿善舉止湛每謂人
曰我見謝道兒未嘗足道兒述小字也卒於吳興太
守喪還京師未至數十里景仁湛同乘迎赴望船流
涕

臧凝之學涉有當世才具與司空徐湛之為異嘗之
交

蔡廓與北地傅隆相善廓子興宗修父友之敬

向柳有學藝才能太尉袁淑司空徐湛之東揚州刺
顏峻皆與友善

謝靈運為侍中以疾東還會稽與族弟惠連東海何

長瑜潁川荀雍太山羊璿之以文章賞會共為山澤之游時人謂之四友

蕭惠開為太子舍人與汝南周朗同官友善以偏奇相尚

顏延之既廢於家中書令王球名公子延之慕焉球亦愛其材情好甚欵

何偃叔攸之與瑯邪王徽相善悠之卒徽與偃書曰吾與義興真恨相知之晚每惟君子知我若夫嘉我小善矜余不能唯賢叔爾

王僧虔為太子舍人退黜少交接與袁叔謝莊善

孔遂字世遠好典故事學與王儉至交

南齊杜京產開舍授學徵為員外散騎侍郎不就會

稽孔道徽守志業不仕京產與之友善一曰會稽孔

一見而為欵交王思遠與顧嵩之友善嵩之卒後家貧思遠迎其兒

子經郵甚至

柳世隆字彥緒當時名士張緒王延之沈琰雅相欽慕以為君子之交

徐伯珍東陽人積學十年究尋經史游學者多依之徵士沈儼造膝談論申以素交

檀超為南徐州西曹書佐與別駕蕭惠開相抗禮惠
 開自以地位居前稍相凌辱而超舉動言嘯以地勢
 摧之謂惠開曰我與卿並有何等官俱是國家微賤
 時外戚爾何足以一爵高人惠開欣然便為刎頸之
 交

謝淡任達仗氣不營當世與順陽范泰為雲霞之交
 孔稚珪字德璋會稽人也稚珪風韻清疏好文詠與
 外兄張融情趣相得又與瑯琊王思遠廬江何點點
 弟胤並款交又云稚珪早立名譽當時名士陸惠虎
 謝瀹張融何點沈淵相與為君子之交
 王僧孺初與任昉遇於竟陵王西邸以文學會友及

僧孺出為錢唐令昉贈詩其略曰唯子見知唯余知
 子觀行視言要終猶始敬之重之如蘭如芷
 梁范雲字彥龍父抗為郢府參軍雲隨父在郢時吳
 興沈約新野庾杲之與抗同府見而友之
 劉季連與會稽人石文安相善文安字守休隱居鄉
 里專行禮讓代季連為尚書左丞出為江夏內史又
 代季連入為御史中丞
 劉訐一造阮孝緒卽顧以神交訐族兄歆又履高操
 三人目友招攜故都下謂之三隱
 蕭勸少交結唯與河東裴子野范陽張纘善

韋正與東海王僧孺友善及僧孺爲尚書吏部參掌
大選賓友故人莫不傾意正獨澹然及僧孺擯廢之
後正復篤素分有踰曩日論者稱焉
張率吳郡人與同郡陸倕相友狎嘗同載詣左衛
將軍沈約適值任昉在焉約乃謂昉曰此二子後進
才秀皆南金也卿可與定交繇此與昉友善
陸倕與樂安任昉友善爲感知已賦以贈昉昉因此
名以報之
裴子野性曠達自云出世不復詣人初未與張纘過
便虛相推重因爲忘年交

韋粲爲外兵參軍兼中兵時潁川庾仲容吳郡張率
前輩才名與粲同府並忘年交好

謝徽與河東裴子野沛國劉顯同官友善子野嘗爲
寒夜直宿賦以贈徽爲感友賦以讎之

何遜弱冠舉秀才范雲見其對策大相稱賞因結忘
年交友
到溉與兄沼弟洽俱知名樂安任昉大相賞好天監
初昉出守義興要溉洽之郡爲山澤之游昉還爲御
史中丞後進宗之時有彭城劉孝綽到苞劉孺吳郡
陸倕張率陳郡殷芸沛國劉顯及溉洽車軌日至號

曰蘭臺聚陸倕贈昉詩云和風雜美氣下有真人游
壯矣荀文若賢哉陳太丘今則蘭臺聚方今信爲儔
任君本達識張子復清修既有絕塵到復見黃中劉
時謂昉爲任君比漢之三君到則漑兄弟也後漑爲
左民尚書不好交游唯與朱异劉之遴張綰同志友
密及臥疾於家門可羅雀三人每歲嘗鳴騶枉道存
問置酒敘平生而去

陳涂伯陽爲侯安都司空參軍大建初與中記室李
爽並室正見尚書郎賀徹學士阮卓黃門郎蕭詮
三公郎王繇禮處士馬樞記室祖孫登比部賀循長

史劉刪等爲文會之友後有蔡凝劉助陳暄孔範亦
預焉游宴賦詩動成卷軸伯陽爲其集序盛傳於世
江總聰敏篤學有文范陽張纘瑯琊王筠南陽劉之
遴並高才碩學總時少有名纘等雅相推重爲忘年
友

後魏崔模長者篤厚不營利與崔頤相親往來如家
封軌與光祿大夫武邑孫惠蔚同志友善蔚每推軌
曰封生之於經義非但章句可奇然標明綱格統括
大歸吾所弗如者多矣

辛紹先敏悟有識量與廣平游明根范陽盧度世同

郡李承昭等甚相交善
盧義僖寬和畏慎不妄交款與魏子建情好尤篤言
無所隱

索敞初在涼州之日與鄉人陰世隆文學相友世隆
至京師被罪從和龍留上谷困不前達士人徐能抑
掠爲奴五年因行至上谷遇見世隆語其繇狀對泣
而別敞爲訴理得免

畢康敬自兖州刺史徵還京師年已七十六太和中高
祖賓禮舊老衆敬與咸陽公高允引至方山雖文武
習儉好尚不同然亦與允甚相愛敬接膝談款有若

平生

李彪爲度支尚書與宋弁結管鮑之交弁爲大中正
與孝文私議猶以寒地處之殊不欲微相優假彪亦
知之不以爲恨及弁卒彪痛之無已爲之哀誄備盡
辛酸

李志字鴻道彪之子博學有才幹年十餘歲便能屬
文彪甚奇之謂崔鴻曰子宜與鴻道爲二鴻於雒陽
鴻遂與志交款往來

張彝性公彊有風氣歷覽經史與盧淵李安仁等結
爲親友往來朝會嘗相追隨淵爲主客令安仁與彝

並爲散令

崔休舉秀才入京城與中書郎宋弁通直郎邢巒雅相知友

曹世表性雅正涉獵羣書與武威賈思伯范陽盧同隴西辛雄等並相友善

李叔虎好學博聞有識度爲鄉閭所稱太和中洋中書博士與清河崔光河間邢巒並相親友

羊深有風尚學涉經史好文章兼長几案少與隴西李神儁同志友善

邢巒博學有藻思與裴敬憲盧觀兄弟等並結交友

封肅爲尚書左中兵部郎中性恭儉不妄交游唯是崔勣及勣從兄鴻尤相親善

裴伯茂爲廣平王文學文藻富贍好飲酒旣卒後殯於家園友人嘗景李渾王元景盧元明魏季景李騫等十許人於墓傍置酒設祭哀哭涕泣一飲一酌曰裴中書魂而有靈知吾曹也及各賦詩一篇李騫以魏收亦與之友寄以示收收時在晉陽乃同其作論敘伯茂其十字云臨風想玄度對酒思公榮時人以伯茂性侮傲謂收詩頗得事實

睦夸少與崔浩爲莫逆之交浩爲司徒奏徵爲中郎

辭疾不赴州郡比逼遣不得已入京都與浩相見經
留數日唯飲酒談敘平生不及世利浩每欲論屈之
竟不能發言其見敬憚如此浩後遂投詔書於夸懷
亦不開口夸曰桃簡卿已爲司徒何足以此勞國士
也吾便於此將別桃簡浩小名也浩慮夸卽還時乘
一騾更無兼騎浩乃以夸騾內之廐中異相維繫夸
遂託鄉人輪租者謬爲御車乃得出關浩知而歎曰
哇夸獨行士本不應以小職辱之又使其人杖策復
路吾當何辭以謝也時朝法甚峻夸既私還將有私
歸之咎浩仍相左右始得無坐經年送夸本騾兼遣

以所乘馬爲書謝之夸更不受其騾馬亦不復書及
浩之誅爲之素服受鄉人弔唁經一時乃止歎曰崔
公旣死誰能更容哇夸遂作朋友篇辭義爲時人所
稱

于忠宣武時爲領軍將軍性多猜忌不交勝已唯與
直閣將軍章初瓌千牛備身楊保元爲斷金之交
胡叟爲武威將軍見車馬榮華者視之蔑如也一見
高允曰吳鄭之交以紵縞爲美談吾之於子以弦韋
爲幽贊以此言之彼可無媿也

劉懋性沈雅厚重與人交器宇淵曠風流甚美時論

高之尚書李平與之結莫逆之交
邢劭十歲能屬文日誦萬餘言文章瞻速未二十名
動衣冠吏部尚書隴西李神儁大相欽重引爲忘年
之交
北齊袁聿修歷任清華趙彥深爲水部郎中同在一
院因成交友彥深後重被沙汰停私門生藜藿聿修
猶以故情音問往來

陸昂爲河間邢劭所賞劭又與其父子璋交遊嘗謂
子璋云吾以卿老蚌復出明珠
悲讞之雖年少不妄交游唯與隴西辛術趙郡李繪

頓丘李構清河崔瞻爲忘年之友

封孝琬性恬靜頗好文詠太子少師邢邵七兵尚書
王昕並先達高才與孝琬年位懸隔晚相逢遇分好
遂深及孝琬卒靈輓言歸二人送於郊外悲哭悽惻
有感路人

崔瞻爲黃門侍中與趙郡李檠爲莫逆之友檠將東
還瞻遺之書曰仗氣使酒我之嘗弊詆訶指切在卿
尤甚足下告歸吾於何聞過也
斐讓之與楊愔友善相遇則清談竟日愔每云此人
風流警拔斐文季爲不亡矣

盧懷仁有行簡善與人交與瑯琊王衍隴西李壽之情好相得嘗語衍云昔太丘道廣許邵知而不顧嵇生峭立鍾會過而絕言吾處季孟之間去其太甚衍以爲然

荀仲舉與趙郡李縶交款縶死仲舉因望其宅爲五言詩十六韻以傷之詞甚悲切

宋游道與頓丘李獎一面便定死交獎曰我年位已高會用弟爲佐史令弟北面於我足矣游道曰不能旣而獎爲河南尹辟游道爲中正使者相屬以衣帻待之握手歡語元顛入維獎受其命出使徐州都督

元孚與城人趙紹兵殺之游道爲獎訟寃得雪又表爲請贈回已考一汎階以益之又與劉廐結交託廐弟粹於徐州殺趙紹後廐敗梟粹首於鄴市孫騰使客告市司得五百疋後聽收游道時爲司州中從事令家人作劉粹所親於州陳訴依律判許而奏之勅至市司猶不許游道杖市司勒使速付騰聞大怒時李獎二子構訓居貧游道後令其求三富人死事判免之凡得錢百五十萬盡以入構訓其使氣黨俠如此至齊於魯宋汝汝五八制詩曰朝星隕木地真車後周韋夔高尚不仕與族人處玄及安定梁曠爲放

逸之友周弘正造曼談謔盡日恨相遇之晚也後請
曼至賓館曼未赴弘正乃贈詩曰德星猶未動真卓
詎肯來當時所欽挹如此
薛慎字伯護好學能屬文善草書與同郡裴叔逸斐
詠之柳蚪范陽盧柔隴西李燦並友善
張軌少好學志識開朗初在雒陽家貧與樂安孫樹
仁為莫逆之友每易衣而出以此見稱
黎景希好占玄象頗知術數而落魄不事生業與范
陽盧道源為莫逆之交
寇儁為鎮東將軍西安縣男少為司徒崔光所知光

命其子勵與儁結友每造光嘗清談移日小宗伯盧
辯以儁業行俱崇待之以師友之禮每有閑暇輒詣
儁讌語彌日嘗謂人曰不見西安君煩憂不遣其為
通人所敬重如此

柳弘與弘農楊素為莫逆之交
斐尼性弘雅有器局為通直散騎嘗侍隴西李燦范
陽盧誕並有高名於世與尼結忘年之交
隋劉焯聰敏沈深弱不好弄少與河間劉炫結盟為
友

孔紹安越州山陰人少以文信知名徙居京兆鄠縣

閉門讀誦文集數十萬言有詞人孫萬壽與紹安篤忘年之好

薛道衡北齊時待詔文林館與范陽盧思道安平李德林齊名友善

房彥謙有令名少與太原王邵北海高構蓆縣李綱河東柳彧薛孺皆一時知名雅淡之士彥謙並與爲友雖冠蓋成列而門無雜賓體資文雅深達政務有識者咸以遠大許之彥謙爲都州司馬內史侍郎薛道衡一代文宗位望清顯所與交結皆海內名賢重彥謙爲人深加友敬及爲襄州總管辭歸往來交錯

道路煬帝嗣位道衡轉牧番州路經彥謙所留連數日流涕而別

裴肅少剛正有局度少與安定梁毗同志友善

崔儵年十六太守請爲功曹不就少與范陽盧思道隴西辛德源同志友善

崔廓與趙郡李士謙少爲忘年之友每相往來時稱李崔及士謙死廓哭之慟爲之作傳輪之祕府士謙妻盧氏寡居每有家事輒令人諮廓取定

元巖以名節自許少與渤海高顯太原王韶同志友善

王孝籍少好學博覽羣言與河間劉炫同志友善

李孝貞與從兄儀曹郎中騷太子舍人李節博陵崔

子武范陽盧詢祖為斷金之契

唐高士廉少有器局頗通文史隋司隸大夫薛道衡

起居舍人崔祖濬並稱先達與士廉結忘年之好孫

是公卿藉世

杜淹聰辯多才藝弱冠有美名於京邑與同郡車福

嗣為莫逆之交

楊纂華吟一人與瑯琊顏師古燉煌令狐德茶友善頗

涉經史尤明史事

劉胤之少與當時詞人孫萬壽李百藥並為忘年之

友

劉孝孫弱冠知名與虞世南蔡君和孔德紹庾白直

劉斌登山臨水結為交友

朱敬則性敦厚恢博少好學重節義少與右史江融

尚書左僕射魏元忠友善

劉允濟善屬文與絳州王勃早齊名特相友善

陸餘慶少與知名之士陳子昂宋之間盧藏用道士

司馬承禎道人法成等交游雖才學不逮子昂等而

風流彊辯過之

王珣聰敏有才畧與周璟張仲之爲忘年之友
薛登博涉文史與徐堅劉子玄齊名友善

韋陟中書令安石之子與弟斌文華當代俱有盛名
開元中才名之士王維崔穎盧象等嘗與陟唱和游
處廣平公每見陟歎曰盛德遺範盡在是矣

蕭昕爲左拾遺與布衣張鎬友善
張九齡素與中書侍郎嚴挺之尚書左丞表仁敬右
庶子梁昇卿御史中丞盧怡交友善挺之等皆有才
幹而交道終始不渝甚爲當時之所稱也

郝純少時爲李邕張九齡等知遇尤以詞學見推與

顏真卿蕭穎士李華邵軫同志友善故天寶中語曰
殷顏柳陸蕭李邵趙以其重行義敦交道也

權臯天寶末移家於洪州改著作郎不起京師蹂於
胡騎士君子多以家渡江東知名之士如李華柳識
兄弟者皆仰臯之德而友善也

于休烈自幼好學善屬文與會稽賀朝萬齊融延陵
包融爲文詞之友齊名一時

楊憑少負氣節重交游尚然諾與穆質許孟容李鄲
王仲舒爲友故時人稱楊穆許李之友
王仲舒太原人少貧養母嗜學工文不就鄉舉交友

必一時高名者與楊頊梁肅裴樞爲忘形之契仲舒爲拾遺與楊憑友善及憑得罪仲舒橫議之貶爲硤州刺史

崔造與韓會盧東美張正則爲友皆僑居上元好談經濟之略嘗以王佐自許時人號爲

蘇士美少好學善記覽父友顏真卿四蕭夔士輩嘗與之討論經傳應對如流旣而相謂曰吾曹異日當交二郟之間矣

李泌流放江南與柳渾顧况爲人外之交吟詠自適陸贄爲書舍人翰林學士母卒持喪于河南豐樂

佛寺日四方以賻贈爲詞厚致金帛贄絲毫無所受唯與劔南節度使韋臯布衣時友善臯以事奏聞每有所致輒稱詔以受之及贄罷相貶忠州而臯臯屢表請以贄代已竟卒於忠州年五十二

裴佖爲工部尚書政事清敏凡所定交時稱爲第一流沒之日故司徒鄭餘慶請告於御史府行朋友之服縉紳美之

韓愈性弘通與人友榮悴不易少時與維陽人孟郊東郡人張籍友善二人名位未立愈不避寒暑稱薦於公卿間而籍終成科第榮於祿位後雖通貴每退

公之際則相與談讌論文賦詩如平昔焉

柳公綽性端介寡合與錢徽蔣乂杜元穎薛存誠文

雅相知交情款密為吏部員外郎及武元衡罷相鎮

西蜀與斐度俱為元衡判官尤相善公綽先度人為

吏部郎中度以詩餞別有兩人同日事征西之句

柳宗元與劉禹錫為執友

元稹與白居易最善為文友

後唐劉贊明宗朝為中書舍人翰林學士竇夢徵同

年登第隣居友善夢徵早卒與同年楊凝式服總麻

為位而哭其家無少長與視喪事卹其孀稚人士稱

之府元龜

晉劉朐初隱居上谷大寧山與呂夢奇張麟結菴共

處以吟誦日娛

西極文翔鳳訂正

豫章黃國琦較釋

總錄部 一百三十三

形貌

州元龜

總錄部

卷之八百八十二

册府元龜

淮南李嗣 尔叅閱

西極文翔鳳訂正

豫章黃國琦較釋

總錄部

一百三十三

形貌

夫人之生也稟秀五行肖類天地故形為神之舍貌為情之華發於至靈彰乎遺體乃有英姿偉量奇骨異表魁岸磊落端厚篤雅頎長俊茂雄毅挺特蓋錄夫氣幹中立容止外著出乎其類愛然不羣為殊俗

之聳畏蒙時君之欽賞有儀可象於斯為貴亦有罷
資駁小而識度宏達同時異派而形象克肖至于苛
刻異狀兆自襁褓指物象而倫擬推善惡以斯驗布
在方策咸足徵焉

商伊尹倨身為阿衡

中衍栢翳之後烏身人言

一云人面烏喙

太戊聞而卜之使

御吉遂致使御而妻之

晉文公重耳初為公子及曹曹平公聞其駢脅欲觀
其裸浴薄而觀之

宋華元皞其日瞻其腹

皞出日瞻大腹

宋公子鮑美而艷

宋公子座美而狠

初宋芮司徒生女子赤而毛棄諸堤下共姬之妾取以入名之曰棄

長而美平公入共姬納諸御嬖生佐惡而婉即元公也生座美而狠

鄭子太叔美秀而文

陳武子

子疆也

白皙黥鬚眉甚口

甚口多口也

子產口角

晏平仲月角

尾生犀角

柳下惠子魚反角

孔子長九尺有六寸人皆謂之長而異之狀類陽虎

適鄭與弟子相失孔子獨立郭東門鄭人或謂子貢曰東門有人其顙似堯其項類臯陶其肩類子產自

要以下不及禹三寸纍纍然若喪家之狗王肅曰喪家之狗主

人哀荒不見飲食故纍然而不得意孔子生於亂世道不得行故纍然不得志之貌也韓詩外傳曰喪家

之狗既斂而擲有席而祭顧望無人也子貢以實告孔子孔子欣然笑

曰形狀未也而似喪家之狗然哉然哉

魯顓孫師字子張曾參曰堂堂乎張也難與並為仁

矣言子張容儀盛而而於仁道薄也

有若魯人孔子弟子孔子既沒弟子思慕有若狀似

孔子弟子相與其立為師事之如夫子時也

淳于髡齊之贅壻長不滿七尺

優孟楚之樂人長八尺

鄒忌脩八尺有餘身體肥麗

田文為齊相封孟嘗君文過趙趙平原君客之趙人

聞孟嘗君賢出觀之皆笑曰始以薛公為魁然也今

視之乃眇小丈夫爾

漢張良字子房狀貌如美婦人後封留侯

陳平長大美色而肥或說平於漢王曰平美丈夫如

冠玉爾後至右丞相

韓王信長八尺五寸

張蒼為秦御史亡歸沛公畧地過陽武蒼當斬解衣
伏鑽蒼長大肥白如瓠王陵見而怪其美乃言沛公

公赦之後至丞相

又云蒼不滿五尺父八尺餘蒼
子復長八尺及孫貌長六尺餘

公孫弘對策為第一召入見容貌甚麗拜為博士待

詔金馬門

東方朔長九尺三寸目如懸珠齒如編貝後至侍郎

郭解為人短小恭儉

田千秋為高寢郎上急變訟戾太子寃武帝召見千

秋長八尺餘體貌甚麗帝見而說之後至丞相

霍光長財七尺三寸

財與
纔同

白晳疏眉目美鬚髯後至

大將軍

金日磾長八尺二寸容貌甚嚴後至車騎將軍

江充為人魁岸容貌甚壯武帝望見而異之謂左右

曰燕趙故多奇士後為繡衣直指使者

龔遂為渤海太守宣帝召見遂形貌短小帝見心內

輕焉及對賜黃金乘傳去

朱雲字子游長八尺餘貌甚壯以勇力聞後至槐里

令

直不疑狀貌甚美後至御史大夫

王商為丞相長八尺身體鴻大容貌甚過絕人河平

四年單于來朝引見白虎殿在未央宮中丞相商坐未央

廷中單于前拜謁商單于將見天子而經未央廷中過也商起離席與

言單于仰視商貌大畏之遷延却退天子聞而歎曰

此真漢相矣身八尺八寸餘

婁護為人短小精悍後至天水太守

嚴延年為人短小精悍後至河南太守

薛宣每威儀容止可觀後至丞相

息夫躬容貌偉麗為眾所異後至左曹光祿大夫

後漢東平王蒼腰帶八圍

李通父守為王莽宗卿師身長九尺容貌絕異

蓋延字巨卿身長八尺後至左馮翊

馬援為人明白鬚髮蒼白如畫東觀記曰援長七尺五寸色理髮膚皆日

容貌如畫後至伏波將軍

銚期長八尺二寸容貌絕異矜嚴有威後至衛尉

祭彤為人質厚重毅體貌絕眾後至太僕

虞延字子大陳留人長八尺六寸腰帶十圍力能扛

鼎後至司徒

班超字仲升為人大志不脩小節嘗行詣相者相

者曰祭酒布衣諸生爾一坐所尊則先祭酒今稱祭酒相尊敬之詞也而當

封侯萬里之外超問其狀相者曰生燕頤虎頭飛而

肉食此萬里侯相也後為西域都護封定遠侯
 吳良為東平王所薦詔曰前見良頭鬚皎然衣冠甚
 偉求賢助國宰相之職今以良為議郎
 馮勤曾祖父楊兄弟形皆偉壯唯勤祖父偃長不滿
 七尺嘗自恥短恐子孫之似也乃為子伉娶長妻生
 勤長八尺三寸後至司徒
 耿秉有偉體腰帶八圍後至光祿勳
 鄧衍以外戚小侯每豫朝會容姿趨步有出於眾顯
 宗目之曰朕之容貌豈若此人特賜輿馬衍雖有容
 儀而無實行後至玄武司馬

楊喬為尚書容儀偉麗

賈逵身長八尺二寸諸儒為之語曰問事不休賈長
 頭為侍中

李固字子堅司徒郃之子貌狀有奇表鼎角匿犀足

履龜文

鼎角者頭有骨如鼎足也匿犀伏犀也謂骨當額上入髮際隱起也足履龜文者二千石

見象書後至太尉

盧植字子幹身長八尺二寸音聲如鐘後至尚書

鄭玄身長八尺飲酒一斛秀眉明目容儀溫偉後徵

大司農不赴

臧洪體貌魁梧有異姿後至東郡太守

傅燮身長八尺有威容後至漢陽太守

郭泰身長八尺容貌魁偉聲如洪鐘後徵有道不起

趙壹體貌魁梧身長九尺美鬚豪矜望之甚偉辟公

府不就

高獲字敬公為人尼首方面

尼首首象尼丘山中下四方高也

三公

爭辟不應

蔡邕為中郎將董卓多自狠雖用邕邕恨其言少從

謂從弟谷曰董公性剛而遂非終難濟也吾欲東奔

兖州若道遠難達且逶迤山東以待之何如谷曰君

狀異嘗人每行觀者盈集以此自匿不亦難乎邕乃

止

公孫瓚遼西人為人美姿貌大音聲言事辯慧

典累曰瓚

性辯慧每白事嘗兼數曹無有志誤

太守奇其才以女妻之

魏志云侯太守妻之

以後至奮武將軍封薊侯

劉表身長八尺餘姿貌温偉後至荊州牧

馬騰長八尺身體洪大面鼻雄異後至衛尉

袁紹幼為郎容貌端正威儀進止動見做效後至大

將軍冀州牧

魏孟達容止可觀文帝甚寵愛之以為散騎嘗侍領

新城太守

管寧長八尺美鬚眉累徵不起

何夔曾祖父熙字孟孫身長八尺五寸體貌魁梧善

為容儀舉孝廉為謁者贊拜殿中音動左右和帝佳

之夔長八尺三寸容貌矜嚴後至太僕

崔琰聲姿高暢眉目疏朗鬚長四尺後遷中尉

司馬朗祖父俊字元異博學好古倜儻有大度長八

尺三寸腰帶十圍儀狀魁岸與眾有異鄉黨宗族咸

景附焉後至兖州刺史

程昱字仲德長八尺三寸美鬚髯後至衛尉

典韋形貌魁梧膂力過人後為較尉

滿寵子偉以格度知名偉子長武偉弟子奮元康中

至尚書令司隸較尉寵偉長武奮皆長八尺

許褚字仲康長八尺餘腰帶十圍容貌雄毅後至武

衛將軍

王脩孫褒長八尺四寸容貌絕異終身不應徵聘

樂進字文謙容貌短小膽烈過人從太祖為帳下吏

後至盪寇將軍

何晏字平叔美姿容帝疑其傅粉賜湯餅令晏食之

汗出流面拭之轉白後至尚書

蜀諸葛亮少有逸羣之才英霸之器身長八尺容貌

甚偉時人異焉後至丞相

趙雲字子龍身長八尺姿顏雄偉為本郡所舉將義

從部吏詣公孫瓚後至鎮軍將軍

彭羨字永年身長八尺容貌甚偉後為江陽太守

譙周字允南身長八尺體貌素朴後為光祿大夫久

就封陽城亭侯

馬超字孟起來降關羽書與諸葛亮問超人才可誰

比類亮知羽護前乃答之曰孟起與翼德爭先未若

髯羽之絕倫羽多鬚髯故亮謂之髯羽超後至驃騎

將軍涼州牧

張裕饒鬚為益州從事

吳諸葛恪長七尺六寸少鬚眉折額大口高聲為大

將軍

太史慈長七尺七寸美鬚髯猿臂善射

孫韶身長八尺儀貌都雅

周瑜字公瑾長壯有姿貌後至偏將軍

朱據有姿貌膂力後至驃騎將軍

呂範字子衡汝南人有容觀姿貌邑人劉氏家富女

美範求之其母嫌欲勿與劉氏曰觀呂子衡寧當久

貧賤者耶遂與之婚後至大司馬

陳武字子烈年十八長七尺七寸後至較尉

董襲字元代長八尺武勇過人後至偏將軍

陳化字元輝氣幹剛毅長七尺九寸雅有威容後至
太嘗

晉樂廣字彥輔父方參魏征西將軍夏侯玄軍事廣
年八歲玄嘗見廣在路因呼與語還謂方曰向見廣
神姿朗徹當爲名士卿家雖貧可令專學亦能興卿
門戶也衛瓘嘗曰此人之冰鏡見之瑩然若披雲霧
而觀青天也後至尚書令
羊祜身長七尺三寸美鬚眉太原郭奕見之曰此今

之顏子也後至征南大將軍

石苞字仲容渤海南皮人也雅曠有智局容儀偉麗
不修小節時人謂之語曰石仲容皎無雙後至大司
馬

衛玠字叔寶年五歲風神秀異祖父瓘曰此兒有異
於衆顧吾年老不見其長成耳總角乘羊車入市見
者皆以爲玉人觀之者傾都驃騎將軍王濟玠之舅
也雋爽有風姿每見玠輒歎曰珠玉在側覺我形穢
又嘗語人曰與玠同遊罔若明珠之在側朗然炤人
玠妻父樂廣有重名議者以爲婦翁冰清女婿玉潤

爲太子洗馬懷帝末至建業京師人士聞其姿容觀者如堵玠勞疾遂甚永嘉六年卒時年二十七時人謂看殺衛玠

王衍字夷甫神情朗秀風姿詳雅王敦過江嘗稱之曰夷甫處衆中如珠玉在瓦石間顧愷之作畫贊亦稱衍崑崙清峙壁立千仞其爲人所尚如此衍弟澄嘗謂衍曰兄形似道而神鋒太儻衍曰誠不如卿落落穆穆後爲太尉

王戎字濬冲幼穎悟神彩秀徹視日不眩裴楷曰之曰日爛爛如巖下電戎後爲司徒

戎子萬有美貌少而大肥戎令食糖而肥愈甚

裴楷字叔則風神高邁容儀俊爽時人謂之玉人又稱見裴叔則如近玉山映照人也爲中書郎出入官省見者肅然改容後至光祿大夫開府儀同三司疾篤詔遣黃門郎王衍省疾楷廻眸矚之曰竟未相識衍浮歎其神儻

裴瓚字國寶楷子也爲中書郎風神高邁見者皆敬之

稽康早孤有奇才遠邁不羣身長七尺八寸美詞氣有風儀而土木形骸不自藻飾人以爲龍章鳳姿天

質自然後至中散大夫
趙至字景真代郡人稽康每曰卿頭小而銳童子白
黑分明有白起之風矣後至幽州部從事

潘岳字安仁美姿儀辭藻絕麗少有嘗挾彈出雒陽
道婦人遇之者皆連手縈繞投之以果遂滿車而歸
後至給事黃門侍郎

夏侯湛字孝若美容觀與潘岳友善每行止同輿接
茵京都謂之連璧後至散騎嘗侍

阮籍字嗣宗容貌瓌傑志氣宏放後至步兵校尉
魏舒身長八尺二寸姿望秀偉文帝深器重之每朝

會罷目送之曰魏舒堂堂人之領袖也後至司徒

陸機字士衡身長七尺其聲如鐘後至平原內史

王育身長八尺餘鬚長三尺容貌絕異音聲動人

王湛字處冲少有識度身長七尺八寸龍額大鼻後

至汝南太守

劉卞字叔龍須昌人赤色大唇少言語自縣小吏至
雍州刺史

王裒少立操尚行已以禮身長八尺四寸容貌絕異
音聲清亮辭氣雅正博學多能三徵七辟皆不就

唐彬身長八尺後至雍州刺史

廋斂長不滿七尺而腰帶十圍雅有遠韻後為太傅
主簿

王導耳豎多疾每自憂陳訓曰耳豎必壽亦貴後至
丞相

王矩字令武美姿容每游觀者盈路

杜乂字弘理性純和美姿容有盛名於江左王羲之
見而目之曰膚若凝脂眼如點漆此神仙人也桓彝
亦曰衛玠神清杜乂形清後至丹陽丞

王濛善隸書美姿容嘗覽鏡自矜稱其父字曰王文
開生如此兒邪君貧帽敗口入市買之媿悅其貌遺

以新帽後至中書郎

王彪之字叔武年二十鬚鬢皓白時人謂之王白鬚
後至儀同三司光祿大夫

郗恢少襲父爵散騎侍郎累遷給事黃門侍郎領太
子右衛率恢身長八尺美鬚髯孝武帝浮器之以為
有藩伯之望

張光字景武身長八尺明眉目美音聲後至涼州刺
中

王恭美姿儀人多愛悅或目之云濯濯如春月柳又
嘗被鶴氅步雪而行孟昶窺見歎曰神仙中人後至

北平將軍亮青二州刺史

桓温生未暮温嶠見之曰此兒有奇骨可試使啼及聞聲曰真英物也年長豪爽有風槩姿貌甚偉面有七星少與沛國劉惔善惔嘗稱之曰温眼如紫石稜鬚作蝟毛襟孫仲謀晉宣王之流亞後至大司馬

桓玄形貌瓌奇風神疎朗

盧循謀之曾孫雙眸炯徹瞳子四轉後假廣州刺史劉牢之字道堅面紫赤色鬚目驚人而沈毅多計畫後至輔國將軍

前趙劉義孫年十歲身長七尺五寸骨目如畫雖少

離屯難流蹟殊荒 川風骨俊茂爽朗卓然及長身長八尺三寸髮與身齊多力善射驍捷如風雲曜偽立為世子

游子遠幼有姿貌聰亮好學劉曜以為車騎大將軍後趙張謐美姿貌幼有逸氣

前秦苻融堅之季弟少而岐嶷風成魁偉美姿度堅以為車騎大將軍

王猛瓌姿儁偉博學好兵善苻堅以為丞相後秦尹緯身長八尺腰帶十圍魁梧爽氣姚萇以為尚書僕射

前燕慕容恪字玄恭皝之第四子也幼沉浮有大度
皝未之奇也年十五身長八尺七寸容貌魁傑雄毅
嚴重每所言及輒經綸世務皝始異焉乃授之以兵
及慕容儁嗣位以爲侍中錄尚書事

高瞻少而英爽有俊才身長八尺二寸慕容廆署爲
將軍

韓嘗字景山師事同郡張載載奇之嘗身長八尺一
寸慕容儁以爲揚烈將軍

宋南郡王義宣爲荊州刺史白皙美鬚眉長七尺五
寸腰帶十圍

謝晦美風姿善言笑眉目分明髮如黠漆時謝混風
華爲江左第一嘗與晦俱在武帝前帝見之曰一時
頓有兩玉人爾晦至荊州刺史

謝莊太嘗弘微之子韶令美容儀文帝見而異之謂
尚書僕射殷景仁領軍將軍劉湛曰藍田出玉豈虛
也哉孝武選侍中四人並以風貌王或與莊爲一雙
阮韜何偃爲一雙嘗充兼假

薛安都少以勇聞身長七尺八寸便弓馬後至左軍
將軍

王敬弘形狀短小而坐起端方後至左光祿大夫

丹府元龜 形貌 卷之八十一
蓋道風姿貌端雅容止可觀中書郎范述見而奇之
曰此荆楚仙人也

南齊李安仁面方明帝大會新亭接勞諸軍主樛蒲
賭官安仁五擲皆盧帝大驚目安仁曰卿面方如田
封侯狀也後至吳興太守安東將軍

袁彖爲侍中形體充腹有異於衆每從車駕射雉在
郊野數人推扶乃能徙步

劉善明爲征虜將軍身長七尺九寸質素不好聲色
房法乘爲交州刺史性方簡身長八尺三寸行出人
上嘗自俯屈青州刺史明慶符亦長真法乘等朝廷

唯此二人

陸慧曉爲吏部郎孝武欲用爲侍中以形短小乃止
沈文季爲侍中風采稜岸善於進止
呂僧珍爲門下書佐身長七尺五寸容貌甚偉在同
類中少所襲狎曹輩皆敬之

褚淵字彥回美儀貌善容止俯仰進退甚有風則每
朝會百僚遠國使莫不延首目送之明帝嘗歎曰褚
彥回能遲行緩步便得宰相矣時人以方何平叔後
至司徒

何戢爲吏部尚書美儀容動止與褚淵相慕時人呼

為小褚公

陸僚美姿容鬚眉如畫

梁張緬尚富陽公主年十七身長七尺四寸眉目疎朗神采爽發後至侍中

王茂字休遠身長八尺美容觀武帝布衣時見之歎曰王茂年少堂堂如此必為公輔之器後至驃騎將軍開府儀同三司

褚向為侍中風儀端麗眉目如點每公庭就列為衆所瞻望焉

沈約左目重瞳子腰有紫痣後至尚書令

何炤白皙美容貌從兄求點每稱之曰叔寶神清弘治膚清今觀此子復見衛杜在日後至治書侍御史任昉身長七尺五寸後至新安太守
袁君正美風儀善自居處以貴公子得當世名譽後至吳郡太守

何敬容為侍中身長八尺白皙美鬚眉性矜莊衣冠凡事鮮麗每公庭就列容止出人

韋放字元直身長七尺腰帶八圍容貌甚偉歷北徐州刺史

范岫身長七尺八寸恭敬儼恪進止以禮後至光祿

大夫

韋粲字長倩身長八尺容貌甚偉後至散騎嘗侍

陶弘景身長七尺四寸神儀明秀朗目疎眉細形長耳後爲奉朝請上表辭祿

羊侃字祖忻少而雄偉身長七尺八寸後至侍中軍

師將軍

楊華少有勇力容貌雄偉後至左衛率

蕭子顯爲太尉錄事偉容貌身長八尺

何點明日秀眉容貌方雅真素通美不以門戶自矜
徵傳中不起

柳仲禮身長八尺眉目疎朗後至其風太守

到溉身長八尺美風儀善容止後至金紫散騎嘗侍

馬憲年十四爲國學生祭酒到溉目送之愛其神彩

劉訐尚書郎何炯嘗遇之於路曰此人風神穎俊蓋

荀奉倩衛叔寶之流也命駕造門哲而不見族祖孝

標與訐書稱訐及族兄歆曰訐超超越俗如半天朱

霞歆矯矯出塵如雲中白鶴皆儉歲之梁稷寒年之

纖纒訐嘗着縠皮巾披衲衣每遊山澤輒留連忘反

神理閑正姿貌甚華在林谷之間意氣彌遠或有遇

之者皆謂神人

王暕年數歲而風神警拔有成人之度父儉作宰相
賓客盈門見暕相謂曰公才公望復在此矣後至尚
書左僕射

伏曼容素美風采宋明帝以方稽叔夜後至臨海太
守

劉孝威氣調爽逸風儀俊舉

江祿形貌短小神明俊發

後梁薛暉河東人有才畧身長八尺形貌甚偉後至
領軍將軍

陳韓子高會稽山陰人也家本微賤侯景之亂寓在

京都景平文帝出守吳興子高年十六爲總角容貌
美麗狀似婦人後至右衛將軍

顧越長七尺三寸美鬚眉武帝嘗於重雲殿自講老
子僕射徐勉舉越論義越抗首而請音響若鐘容止
可觀帝深贊美之繇是擢爲中軍宣城王記室參軍
謝哲字穎豫美風儀舉止蘊藉襟情朗然爲士君子
所重後至吏部尚書中書令侍中司徒左長史
蕭允字叔然風神疑遠通達有儀鑒容止蘊藉動合
規矩後至安德宮少府

王瑒字子璵沉靜有器局美風儀舉止蘊藉

馬樞目精洞黃能視闇中物後至侍中

徐凌目有青精特人以為聰慧之相也後至太子太

傅

後魏封翼字君贊美容貌腰帶十圍以兄偉伯立節

之勲除給事

李同軌體貌魁岸腰帶十圍後至中書侍郎

陸希道字洪度有風貌美鬚髯後至荊州刺史

寇讚少有清名身長八尺姿容嚴嶷非禮不動後至

安南將軍

崔浩為左光祿大夫浩纖妍潔白如美婦人

高允孫綽字僧裕少孤恭敏自立身長八尺腰帶十

圍後至并州刺史

乙乾歸為侍御中散大夫身長八尺有氣幹

毛法仁為散騎嘗侍言聲壯大至於軍旅田狩唱呼

處分振於山谷

宇文延字慶壽體貌魁岸眉目疎朗後至散騎嘗侍

柳崇方雅有器量身長八尺美髮明目兼有學行後

至河東太守

柳撝字乾護身長八尺儀望甚偉後至正平太守

李秀之字鳳起為尚書都官郎秀之弟子雲字鳳昇

本州治中子雲弟子羽字鳳除征南法曹子羽弟子
岳字鳳跣大司馬祭酒兄弟並容貌魁偉風度審正
李璨字世顯身長八尺五寸容貌魁偉後至建武將
軍

趙超宗身長八尺頗有將畧超宗弟令勝亦長八尺
疎狂有膂力後至河東太守

段暉字長祚身長八尺餘師事歐陽湯湯甚器愛之
後為乞伏熾盤輔國將軍

李冲年裁四十而鬢髮斑白姿貌豐美未有衰狀後
至尚書僕射

鄭模字叔軌身長八尺圍亦如之

崔接字顯賓容貌魁偉放邁自高不拘嘗簡後至樂

陵太守

崔孝演字伯則性通率美鬚髯姿貌魁傑後至瀛州

西安府外兵參軍

崔孝直字叔廉身長八尺眉目疎朗早有志尚後除
光祿大夫辭不赴

蕭正表字公儀長七尺九寸眉目疎朗雖質貌豐美
而性理短闊後至司空徐州刺史

畢祖朽身長八尺腰帶十圍後至瀛州刺史

形貌

邢巒美鬚髯姿貌甚偉州郡表貢拜中書博士

崔光韶性嚴毅聲韻抗烈與人平談嘗若震厲至於

兄弟議論外聞謂為忿怒然孔懷雍睦人少逮之後

至廷尉卿

裴禮和為謁者僕射身長九尺腰帶十圍於羣衆之

中魁然有異

李元護身長八尺美鬚髯少有武力後至齊州刺史

王世弼為中山內史身長七尺八寸魁岸有壯氣

路雄字仲畧容貌偉異以軍功為給事中高祖曾封

羣臣云路仲畧好尚書郎才僕射李冲云其人宜為

武職遂停

盧同字叔倫身長八尺容貌魁偉善於處世後至開

府儀同三司

張普惠字洪賑身長八尺容貌魁偉後至東豫州刺

史

婁昭方雅正直大度浮謀腰帶八圍弓馬冠時後至

定州刺史

魏蘭根身長八尺儀貌奇偉後至開府儀同三司

王琳體貌閑雅立髮委地喜怒不形於色後至特進

侍中

元文遙字行恭美姿貌有父風兼俊才位中書舍人待詔文林館

劉禕聰敏機悟美姿儀為其舅北海王昕所愛顧座客曰可謂珠玉在傍覺我形穢後至睢州刺史

許惇為殿中尚書惇美鬚下垂至帶省中號長鬣公文宣嘗因酒酣提惇鬚稱美以刀截之唯留一握惇

懼因不復敢長人又號齊鬚公

馮偉節身長八尺衣冠甚偉見之者肅然敬憚

即基字世業身長八尺美鬚髯沈涉墳典後至海西鎮將軍

房豹體貌魁岸美音儀後至樂陵太守

路去病風神疎朗儀表瓌異官至咸安令

李祖昇顯祖李皇后之長兄儀容瓌麗垂手過膝後

至齊州刺史

斛律光字明月馬面彪身神爽雄傑少言笑工騎射

後至左丞相

叱列平字殺鬼代郡西部人世為酋帥有容貌鬚髯

後至兖州刺史

後周劉亮少倜儻有從橫計畧姿貌魁傑見者憚之

後至車騎大將軍開府

豆盧寧少驍果有志氣身長八尺美容儀善騎射後至大司寇

楊忠美鬚髯身長七尺八寸狀貌魁偉武藝絕倫有將帥之畧後至荊州刺史

叱列伏龜容貌魁偉腰帶十圍進止閑雅兼有武藝後至驃騎大將軍開府儀同三司

劉道斌幼而好學有器幹及長腰帶十圍鬚髯甚美後至岐州刺史

山強美容貌身長八尺五寸為奏事中散

張晉貴字英子少聰慧有口辯身長八尺容貌奇偉

不仕而終

徐遵明身長八尺

董徵身長七尺二寸好古學尚雅素後至平東將軍

裴佗容貌魁偉隴然有器望後至中軍將軍

崔瞻字彥通聰明有文藻善容止神彩凝然楊愔曰

昔裴瓚在晉為中書侍郎神清高邁每於禁門出入

宿衛者肅然動容崔生堂堂之貌亦當無愧裴子皇

建元年除給事黃門侍郎

慕容比頤為南頓太守身長一丈腰帶九尺

北齊李繪字敬文及長儀貌端偉神清朗儁第五舅

河間邢晏每與言歎其高遠曰若披煙霧如對珠王
 宅相之寄良在此甥歷中書侍郎丞相司馬每霸朝
 文武總集對揚王庭嘗令繪先發言端為羣僚之首
 音詞辯正風儀都雅聽者悚然文襄益加敬異又掌
 儀注
 慕容儼容貌出羣衣冠甚偉後至營州刺史
 司馬膺之字仲慶美鬚髯有風貌好學厚自封植神
 氣甚高歷中書黃門侍郎
 高隆之字延興身長八尺美鬚髯沉浮有志氣後至
 錄太保尚書事

高昂字敖曹幼稚時便有壯氣長而倣儻膽力過人
 龍眉豹頸姿體雄異後至司徒
 崔陵為七兵尚書清河邑中正趙郡李暉嘗讌聚名
 輩詩酒正謹謙陵後到一坐無復談話者鄭伯猷歎
 曰身長八尺面如刻畫警效為洪鐘響胸中貯千卷
 書使人那得不畏服
 長孫澄容貌魁岸風儀溫雅後至絳州刺史
 竇熾性嚴明有謀畧美鬚髯身長八尺二寸後至雍
 州牧入隋為太傅
 唐瑾性溫恭有器量博涉經史雅好屬文長八尺二

寸容貌甚偉後至司宗中大夫
庾信身長八尺腰帶十圍容止類然有過人者後至
司宗中大夫
宇文神舉族兄安化公浮器異之神情侗儻志畧英
膽睂目疎朗儀貌魁梧有識欽之莫不許以遠大後
至并州總管
陳忻字永怡少驍勇有俠氣姿貌魁岸同類咸敬憚
之後至雄州刺史
元胄魏昭成帝之六世孫胄少英果多武藝美鬚睂
有不可犯之色齊王憲見而壯之引致左右

柳帶韋字孝孫浮沉有度量少好學身長八尺三寸
美風儀善占對周文辟爲參軍事

李渾字金才姿貌瓌偉美鬚髯起家左侍上士

隋李德林美容儀善談吐齊天統中兼中書侍郎於
賓館受國書陳使江總目送之曰卽河朔之英靈也
竇榮定沉浮有器局容貌瓌偉美鬚髯便弓馬初仕
魏爲千牛備身周太祖見而奇之授平東將軍

元暉字叔平鬚睂如畫進止可觀後至魏州刺史
楊素字處通美鬚髯有英傑之表後至左僕射
柳謩之字公正身長七尺五寸儀容甚偉風神爽亮

進止可觀後至黃門侍郎

韋藝為營州總管藝容貌瓌偉每夷狄參謁必整儀

衛盛服以見之獨坐蒲一榻蕃人畏懼莫敢仰視

王世積字闡熙容貌魁岸腰帶十圍風神爽拔有人

傑之表後至上柱國

郭榮容貌魁岸外疎內密與其交者多愛之後至左

候衛大將軍

李景字道興容貌奇偉膂力過人美鬚髯高祖奇其

壯武使袒而觀之曰卿相表當位極人臣後為右武

衛大將軍

劉元振少好任俠為州里所宗兩手各長尺餘臂垂

過膝後以逆誅

樊叔畧身長九尺志氣不凡終司農卿

公孫景茂字元尉容貌魁梧少好學博涉經史後至

淄州刺史

于顛字元武身長八尺美鬚眉周大冢宰宇文護見

而罷之妻以季女後至吳州總管

崔弘度膂力絕人儀貌魁岸鬚面甚偉後至簡較太

府卿

劉焯犀額龜背望高視遠聰敏沈浮弱不好弄後至

員外將軍

段達身長八尺美鬚髯後以王克黨誅

虞綽字士裕身長八尺姿儀甚偉後至著作佐郎

楊玄感體貌雄偉美鬚髯後以逆誅

唐薛舉容貌瓌偉凶悍善射

裴寂疎眉目偉姿容後至尚書左僕射

劉文靜偉姿儀有器幹後至納言

魏徵爲太子太師狀貌不逾中人而素有膽智

李靖姿貌瓌偉少有文武材畧後至開府儀同三司

李緯自同農卿爲民部尚書時房玄齡在京城留守

會有自京師來者太宗問曰玄齡聞李緯拜尚書如

何對曰玄齡但云李緯好髭鬚更無他語

岑文本性沈敏有姿儀後至中書令

高士廉風調溫雅屬詞清潤姿儀端偉鬚眉如畫後

至開府儀同三司

李義琰高宗時爲中書侍郎同中書門下三品身長

八尺

黑齒嘗之長七尺餘驍勇有謀後至左武衛大將軍

張知謩儀質瓌偉眉目疎朗後至左衛將軍

王駿氣貌雄壯時人謂之有熊虎之狀後至兵部尚

書同中書門下三品

蕭高美鬚髯儀形偉麗後爲中書令
楊慎矜爲御史中丞及兄慎餘爲少府少監慎名爲
雒陽令皆偉儀形風韻高朗慎名嘗覽鏡見其鬚面
神彩有過於人覆鏡歎惋曰吾兄弟三人盡長六尺
餘有如此貌如此材而見容當代以期全難天何不
使我少體弱也

李嗣業身長七尺壯勇絕倫後至北庭行營節度使
張鎬風儀魁岸廓落有大志後爲中書侍郎平章事
魯炤身長七尺餘涉獵書史後至山南節度使

李嘉寵冀州人其形長八尺五寸開元中本州以獻
勅曰李嘉寵七風所育體幹出羣因其器用之宜俾
在人門之次可武衛長上仍配左監門衛當止
吉頊身長八尺陰壽敢言後至天官侍郎平章事
安祿山垂肚過膝自稱得三百五十斤每朝見玄宗
戲之曰朕適見卿肚幾垂至地祿山每行以肩膊左
右擡挽其身方能移步玄宗令前作胡旋舞疾如風
祿山所乘驛每驛中間築換馬臺不然馬輒死驛家
簡祿山所乘馬以上載五石能馱勝致卽以高價市
之餼飼以待之鞍前更連置小鞍以乘其肚

郭子儀長六尺餘體貌秀傑後至太尉尚父

程千里身長七尺骨相瑰岸後至上黨郡長史

崔光遠身長六尺餘目睛白黑分明後至劍南節度

使

毛若虛眉覆於眼性又殘忍後至御史中丞

張孝恭奚種也猛毅魁渠長六尺餘性寬裕事親孝

恭後為易定節度使

朱泚幼壯偉腰帶十圍

李忠臣為汴州節度使嘗因奏對德宗謂之曰卿耳

甚大真貴人也忠臣對曰臣聞驢耳甚大龍耳即小

臣耳雖大乃驢耳也帝悅之

李融為鄭滑節度姿貌魁岸

齊暎貞元初為給事中白皙長大言音高朗德宗自

興元還京師嘗令暎侍或馬前至城邑鎮守輒令暎

宣詔令

史奉敬元和中為朔方將形甚短小若不能勝衣

崔弘禮字從周風貌魁偉自言有大志後至京師留

守

楊炎美鬚眉風骨峻峙文藻雄麗後至中書侍郎平

章事

郭釗偉姿容身長七尺方口豐下為人以莊默自處後至劍南節度使

李揆美風儀善奏對後至中書侍郎平章事

李晟年十八從軍身長六尺勇敢絕倫後至太府中

書令

馬燧姿度魁異長六尺二寸沈勇多智畧後至司徒

侍中

王武俊形體魁偉長六尺餘性寬裕後至成德軍節

度使

李元諒長大美鬚髯勇敢多計謀後至司華節度使

李琪長六尺餘氣貌魁岸

裴度為司徒中書令狀貌不踰中人而風彩俊爽占

對雄辯觀聽者為之聳然

蕭遘為中書侍郎平章事形神秀偉志操不羣少負

大節以經濟為已任洎處台司風望尤峻奏對朗拔

天子器之

康謙者善賈資產億計髭鬚長三尺過帶

梁李思安性叅勇未弱冠身長七尺超然有乘時自

奮之志後至相州刺史

羅紹威為魏博節度使形貌魁偉有英傑氣

趙昶形神灑落臨事有通變之才後至忠武軍節度使

胡真體貌洪壯長七尺善騎射後至寧遠將軍節度使

寇彥卿身長八尺隆準方面語音如鐘後至鄧州節度使

劉知俊姿貌雄傑侗儻有大志後至同州節度使

後唐李嗣昭形貌眇小而精悍有膽後為澤潞節度使

盧文紀為太嘗卿形貌魁偉語音高朗占對鏗鏘健

於飲啖奉使蜀川路繇岐下時清泰帝為岐帥以主

禮待之觀其儀形旨趣遇之頗厚孔邈兖州曲阜人文宣王四十一代孫身長七尺餘

神氣温克綽有素風朱漢賓少有膂力形神壯偉膽氣過人後至太子少

保致仕晉桑維翰身短面廣殆非嘗人既壯每對鑑自歎曰

七尺之身安如一尺之面繇是慨然有公輔之望後至中書令

華温琪初事黃巢為供奉官巢敗奔至温臺以形貌

魁岸懼不自容乃投白馬下流俄而浮至淺處又登桑自經枝折不死後果貴焉位至太子少保致仕

張萬進白皙美鬚後至彰義軍節度使公輔文望後皇甫遇少好勇及壯糾髯善騎射後至華州節度使

盧文進身長七尺飲啗過人望之偉如也後至安州節度使

張彥澤少有勇力目睛黃而夜有光色視瞻若檻獸焉後為相州節度使

漢劉景巖昂藏巨準時人號為大鼻後至太子太師

敬仕

周和疑切而聰敏姿狀秀拔神彩射人後為太子太傅

李懷忠形質魁壯勇敢出人後至左武衛上將軍

元龜

總錄部

